



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 18. Ludovicus VIII. contra Albigenses Cruce signatus.

[urn:nbn:de:hbz:466:1-66406](#)

Artium liberalium Magistri Parisienses, Sæcul. XIII.
numero ferme octoginta, qui Legatum, A. C. 1226.
ut superius memoravimus, infectati fue-
rant, Absolutionem ab Excommunicatione
in se lata in Concilio petitam, pro-
tinus impetrarunt.

§. XVIII.

Ludovicus VIII. contra Albigenses Crucis signatus.

Anno sequente millesimo ducentesimo
vigesimo sexto, die Mercurii, vige-^{to. II. Conc.}
sima octava Januarii, Ludovicus VIII. <sup>p. 300. ex
Chr. Tur.</sup>
Rex, & Legatus Romanus Parisiis Con-
cilium Nationale celebrarunt, in quo Le-
gatus, auctoritate Summi Pontificis, Rai-
mundo Comite Tolosano, ejusque sociis
excommunicatis, Regi, ejusque Hære-
dibus masculis jus in Ditiones hujus Co-
mitis, tanquam Hæretici denunciati, &
damnati, in perpetuum confirmavit. Si-
mul etiam Amalricus Comes Montfor-
tius, & Guido ejus Patruus, in Regem e-
jusque Hæredes masculos omne jus, in
easdem terras sibi compotens, datis li-
teris, transtulerunt. Die Veneris se- ^{G. Nang.}
quente, trigesima Januarii, Rex, re ma. ^{1225.}
ture pensata, Crucem sacræ Militiæ &
ipse & omnes ferme Episcopi ac Barones
Regni sui ad exterminandos Albigenses
de manu Legati acceperunt, qui Regis
Hist. Ecclesiast. Tom. XLIX. Z z &

Sæcul. XIII.
A.C. 1226.

& Principum fervore magis accensus, in
Regni provincias Prædicatores misit,
qui Fideles ad Bellum sanctum contra
Hæreticos hosce excitarent, concessa
Indulgentia plenaria, cum dispensatione
in omnis generis votis, illo solo exce-
pto, quo se ad peregrinationem Hiero-
solymitanam obstrinxissent. Adjecit,
non nullis Episcopis consentientibus,
quod, ne expeditioni piissimæ nervus
deesset, Regi promitteret, se ejus æra-
rio per quinquennium centies mille Mar-
cas collaturum esse, ex Decimis, quæ
de Bonis Clericorum colligebantur, &
si hæ non sufficerent, reliqua ex thesau-
ro Ecclesiæ accipienda essent. Nempe
Decimæ cogebantur nomine Pontificis,
qui iis, ut expedire credebat, utebatur.
Dominica IV. Quadragesimæ, quæ hoc
anno millesimo ducentesimo vigesimo
sesto in diem vigesimam Martii incide-
bat, Rex iterum Parisiis Concilium seu
Parlamentum celebravit, in quo, post-
quam cum Legato Episcopis, & Baroni-
bus suis de causa Albigensium prolixe
tractavit, literas mitti jussit, ad omnes
Vasallos suos, qui ad obsequia militaria
præstanta tenebantur, datas, quibus Bi-
turigas convenire, & se Regi, more pa-
trio armatos, Dominica quarta post Pa-
scha, nempe die decima septima Maji,
jungere jubebantur.

§. XIX.